

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), člana 33. Zakona o izvršavanju Budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22 i 14/22), a u skladu sa Programom utroška sredstava planiranih u Budžetu Zeničko-dobojskog kantona za 2022. godinu na poziciji „Ostali transferi za zdravstvo - Tekući transfer zdravstvenim ustanovama za sprečavanje širenja bolesti izazvane korona virusom - COVID-19“ Ministarstva zdravstva, broj: 02-11-12907/22 od 25.08.2022. godine, na prijedlog Ministarstva zdravstva, Vlada Zeničko-dobojskog kantona, na 171. sjednici, održanoj dana 08.09.2022. godine, d o n o s i

## **ODLUKU**

### **o odobravanju sredstava domovima zdravlja sa područja Zeničko-dobojskog kantona**

#### **Član 1.**

##### **(Predmet)**

(1) Odobravaju se sredstva domovima zdravlja sa područja Zeničko-dobojskog kantona u ukupnom iznosu od 400.000,00 KM (slovima: četiristotinehiljada konvertibilnih maraka) za pokriće troškova nabavke brzih AG testova, transportnih podloga i potrošnog materijala za testiranje, zaštitne opreme, dezinfekcionih sredstava i ostalih tekućih materijalnih troškova u funkciji sprečavanja širenja virusa COVID-19 i provođenja vakcinacije u 2022. godini i dijela troškova koji se odnose na plaće uposlenih u Covid ambulantomama i uposlenih angažovanih na vakcinaciji u 2022. godini:

<b>Naziv zdravstvene ustanove</b>	<b>Iznos u KM</b>
Dom zdravlja Breza	20.455,00
Dom zdravlja Doboju Jug	13.210,00
Dom zdravlja Kakanj	39.020,00
Dom zdravlja Maglaj	27.685,00
Dom zdravlja Olovo	17.150,00
Dom zdravlja Tešanj	44.615,00
Dom zdravlja Usora	14.960,00
Dom zdravlja Vareš	15.930,00
Dom zdravlja Visoko	40.560,00
Dom zdravlja Zavidovići	37.440,00
Dom zdravlja Zenica	95.570,00
Dom zdravlja Žepče	33.405,00
<b>Ukupno</b>	<b>400.000,00</b>

(2) Javne zdravstvene ustanove iz člana 1. ove odluke mogu iz odobrenih sredstava izvršiti pokriće troškova angažovanja uposlenih u Covid ambulantomama i uposlenih angažovanih na vakcinaciji u iznosu do 50% ukupno odobrenog iznosa zdravstvenoj ustanovi.

#### **Član 2.**

##### **(Analitička konta)**

(1) Sredstva iz člana 1. ove odluke isplatit će iz Budžeta Zeničko dobojskog kantona za 2022. godinu („Službene novine Zeničko-dobojskog kantona“, broj: 1/22 i 14/22), sa razdjela 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100, „Ostali transferi za zdravstvo-Tekući transfer zdravstvenim ustanovama za sprečavanje širenja bolesti izazvane korona virusom COVID-19“.

(2) Sredstva će se transferisati na transakcijske račune domova zdravlja na osnovu ove odluke.

**Član 3.**  
**(Provođenje Odluke)**

Za provođenje ove odluke zadužuju se javne zdravstvene ustanove korisnici odobrenih sredstava, Ministarstvo zdravstva i Ministarstvo finansija, svako u okviru svoje nadležnosti.

**Član 4.**  
**(Izveštavanje)**

(1) Javne zdravstvene ustanove iz člana 1. ove odluke dužne su do 15.02.2023. godine izvjestiti Ministarstvo zdravstva o namjenskom utrošku sredstava, dostavljanjem Izvještaja o utrošku sredstava, koji treba da sadrži tekstualno obrazloženje, specificirane pojedinačne troškove po vrsti nabavke sa kopijama faktura za navedene nabavke i tabelarni prikaz troškova angažovanja uposlenih u Covid ambulancama i na vakcinaciji, specificiran na način da se tabelarno prikaže broj angažovanih uposlenika u Covid ambulancama i na vakcinaciji po spremi, sa jednom kolonom ukupnih troškova angažovanih uposlenika i drugom kolonom troškova koji su finansirani sredstvima odobrenim ovom odlukom.

(2) Javne zdravstvene ustanove iz člana 1. ove odluke dužne su uz Izvještaj dostaviti Izjavu da troškovi koji su sadržani u Izvještaju nisu finansirani iz drugih izvora finansiranja.

(3) Javne zdravstvene ustanove koje ne postupe po članu 3. stav (1) i (2) ove odluke ili nenamjenski utroše odobrena sredstva, bit će dužne odobrena sredstva uplatiti u korist Budžeta Zeničko-dobojskog kantona.

**Član 5.**  
**(Stupanje na snagu)**

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

**PREMIJER**

*Mirnes Bašić*

Broj: 02-11-13604/22

Datum, 08.09.2022. godine

Z e n i c a

DOSTAVLJENO:

1x Ministarstvo zdravstva,

1x Ministarstvo finansija,

1x zdravstvenim ustanovama, putem Ministarstva,

1x „Službene novine Zeničko-dobojskog kantona“

1x a/a.